

Na osnovu člana 10. stav (3) Zakona o pravima demobiliziranih branilaca i članova njihovih porodica („Službene novine Federacije BiH“, broj 54/19), federalni ministar za pitanja boraca i invalida odbrambeno-oslobodilačkog rata, d o n o s i

**P R A V I L N I K**  
**o ostvarivanju prava na jednokratnu novčanu pomoć za**  
**plaćanje troškova liječenja demobiliziranih branilaca i članova njihovih porodica**

**I. OSNOVNE ODREDBE**

**Član 1.**  
**(Predmet)**

- 1) Ovim pravilnikom utvrđuju se uslovi, kriteriji i postupak za ostvarivanje prava na jednokratnu novčanu pomoć za plaćanje troškova liječenja, koju mogu ostvariti demobilizirani branioци.
- 2) Pod demobiliziranim braniocem smatra se pripadnik Armije Republike Bosne i Hercegovine, Hrvatskog vijeća odbrane i policije nadležnog organa unutrašnjih poslova (u daljem tekstu: Oružane snage), koji je učestvovao u pripremama za odbranu ili u odbrani Bosne i Hercegovine u periodu od 18.09.1991. godine do 22.04.1996. godine minimalno godinu dana, pod uslovom da ne postoje okolnosti iz člana 36. Zakona o pravima branilaca i članova njihovih porodica („Službene novine Federacije BiH“, br. 33/04, 56/05, 70/07, 9/10 i 90/17).
- 3) Prava iz stava (1) ovog člana ostvaruju se u skladu sa Zakonom o pravima demobiliziranih branilaca i članova njihovih porodica (u daljem tekstu: Zakon), ovim pravilnikom i raspoloživim budžetskim sredstvima.

**Član 2.**  
**(Finansijska sredstva)**

- (1) Finansijska sredstva za isplatu jednokratnih novčanih pomoći za plaćanje troškova liječenja demobiliziranih branilaca i članova njihovih porodica obezbjedit će se u budžetu Federacije BiH, za tekuću godinu.
- (2) Sredstva iz stava (1) ovog člana isplaćivati će se mjesečno u visini jedne dvanaestine raspoloživih budžetskih sredstava za te namjene u toku godine.
- (3) U slučaju kada odobrena budžetska sredstva iz stava (1) ovog člana nisu dostatna za rješavanje svih podnesenih zahtjeva za odobravanje jednokratne novčane pomoći u liječenju za tu budžetsku godinu, iznos jednokratne pomoći u liječenju može biti i niži od iznosa utvrđenih članom 8. i 9. ovog Pravilnika uz procentualno smanjenje iznosa novčane pomoći do 50%, o čemu odluku donosi federalni ministar za pitanja boraca i invalida odbrambeno-oslobodilačkog rata (u daljem tekstu: federalni ministar).

**II. KORISNICI PRAVA**

**Član 3.**  
**(Korisnici prava)**

- 1) Pravo na jednokratnu novčanu pomoć za plaćanje troškova liječenja u smislu ovog pravilnika ostvaruje isključivo demobilizirani branilac i to za vlastito liječenje ili liječenje članova uže porodice.

- 2) Članovima uže porodice u smislu ovog pravilnika smatraju se roditelji, bračni partner i djeca koja žive u zajedničkom domaćinstvu sa demobiliziranim braniocem do navršene 25. godine života.
- 3) Zahtjev za ostvarivanje prava na jednokratnu novčanu pomoć za plaćanje troškova liječenja (sastavni dio ovog pravilnika -Prilog br.2) podnosi demobilizirani branilac (u daljem tekstu: podnosilac zahtjeva) za sebe lično ili za užeg člana porodice iz stava (2) ovog člana.
- 4) Podnosiocu zahtjeva finansijska sredstva iz člana 2. ovog pravilnika mogu se odobriti jednom u toku kalendarske godine.

### **III. NAMJENA FINANSIJSKIH SREDSTAVA**

#### **Član 4. (Namjena sredstava)**

Finansijska sredstva se mogu odobriti demobiliziranim braniocima i članovima njihovih porodica za plaćanje troškova liječenja:

- a) u Bosni i Hercegovini,
- b) u inostranstvu, ako je u pitanju oboljenje koje se ne može liječiti u Bosni i Hercegovini.

#### **Član 5. (Opći uslovi za ostvarivanje prava na jednokratnu novčanu pomoć za plaćanje troškova liječenja u BiH i inostranstvu)**

Pravo na jednokratnu novčanu pomoć za plaćanje troškova liječenja, podnosilac zahtjeva može ostvariti pod uslovom da ispunjava sljedeće opće uslove:

- a) ima prijavljeno mjesto prebivališta na području Federacije BiH, odnosno mjesto boravišta u statusu povratnika u entitet Republiku Srpsku i Brčko Distrikt Bosne i Hercegovine;
- b) dokaže pripadnost Oružanim snagama u trajanju od najmanje 12 (dvanaest) mjeseci;
- c) priloži odgovarajuću medicinsku dokumentaciju ne stariju od jedne godine od dana podnošenja zahtjeva;
- d) nije ostvario pravo na pomoć za plaćanje troškova liječenja po istom osnovu prema drugim propisima.

#### **Član 6. (Posebni uslovi za ostvarivanje prava na jednokratnu novčanu pomoć za plaćanje troškova liječenja u inostranstvu)**

Pravo na jednokratnu novčanu pomoć za plaćanje troškova liječenja u inostranstvu podnosilac zahtjeva može ostvariti pod uslovom da pored općih uslova iz člana 5. ovog pravilnika ispunjava i sljedeće posebne uslove:

- a) da se oboljenje ne može liječiti u Federaciji Bosne i Hercegovine, u skladu sa Pravilnikom o uvjetima i postupku upućivanja osiguranih lica na liječenje u inostranstvo ("Službene novine FBIH, br. 93/13 i 102/15)
- b) da je pribavljen prijedlog univerzitetsko-kliničke bolnice (kliničke zdravstvene ustanove) koja se bavi liječenjem oboljenja za koje se traži odlazak na liječenje u inostranstvo, sa mišljenjem liječničkog konzilija izdatog saglasno Pravilniku o postupku i načinu rada liječničkog konzilijuma ("Službene novine Federacije BiH", broj 55/13)
- c) da precizira podatke o državi i inostranoj zdravstvenoj ustanovi u kojoj se predlaže obavljanje liječenja i precizira troškove liječenja (troškovi liječenja u inostranstvu, naknada putnih troškova u vezi liječenja u inostranstvu i drugo).

## **Član 7. (Vrste oboljenja)**

(1) Finansijska sredstva iz člana 2. ovog pravilnika, mogu se odobriti za pomoć u liječenju navedenih oboljenja i oboljenja sa Liste oboljenja na osnovu koje se ostvaruje pravo na jednokratnu novčanu pomoć za plaćanje troškova liječenja demobiliziranih boraca i članova njihove porodice:

### **a) Neuromišićna oboljenja:**

- 1) progresivna neuromišićna oboljenja :
- 2) multipla skleroza, miastenija gravis
- 3) epilepsija (nekontrolisana ili rezistentna na terapiju)
- 4) nezarazni encefalitis i enecefalomijelitis

### **b) Bolesti koštano-mišićnog sistema i vezivnog tkiva:**

- 1) protruzija intervertebralnog diskusa sa komplikacijama
- 2) seropozitivni reumatoidni aritis, nesposobnost bilo kakvih aktivnosti
- 3) ankilozirajući spondilitis
- 4) direktna infekcija zglobova, kod infektivnih ili parazitaranih oboljenja
- 5) bolesti koje uzrokuju ozbiljne funkcionalne smetnje lokomotornog aparata, vežu bolesnika za postelju i trajno ga onemogućavaju u svakodnevnim aktivnostima

### **c) Respiratorne bolesti:**

- 1) bolesti pluća praćene trajnim oštećenjem respiratorne funkcije (sa vrijednostima vitalnih plućnih parametara: FVC, FEV-1, FEV 1/FVC ispod 40% )
- 2) apsces pluća i medijastinuma
- 3) piopneumotoraks
- 4) sindrom respiratornog distresa (RDS)

### **d) Specifična stanja koja zahtijevaju skupi i doživotni tretman:**

- 1) transplantacije organa
- 2) transplantacije koštane srži
- 3) stanja nakon operativnih stanja na srcu, mozgu i plućima koja zahtijevaju duže bolničko liječenje, oporavak i intenzivni medikamentozni tretman

### **e) Bolesti kardiocirkulatornog sistema:**

- 1) infarkt miokarda
- 2) intracerebralna i subarahnoidalna krvarenja
- 3) plućna embolija
- 4) hipertenzivna oboljenja sa popuštanjem srčanog mišića
- 5) reumatska groznica koja obuhvata srce

### **f) Psihička oboljenja:**

- 1) bolesti zbog čije prirode i stanja oboljeli može ugroziti svoj i/ili život drugih lica, oštetiti materijalna dobra, a koja zahtijevaju stalni medikamentozni tretman i kontinuirano praćenje od strane nadležnog psihijatra

- 2) primarna demencija kod Alzheimerove bolesti i Morbus Parkinson i sekundarne (nespesifične) demencije
- 3) mentalna retardacija
- 4) autizam

**g) Ostala oboljenja:**

- 1) maligni tumori
  - 2) benigni tumori koji lokalizacijom ili prirodom mogu ugroziti život ili smanjiti funkciju organa ili sistem
  - 3) sistemske bolesti
  - 4) hronična bubrežna insuficijencija (koja zahtijeva trajnu dijalizu)
  - 5) šećerna bolest sa jako izraženim komplikacijama (sljepoća, gangrena, bubrežna insuficijencija i dr)
  - 6) bolesti jetre sa trajnim oštećenjima i patološkim nalazima a zahtijevaju dugotrajno liječenje ili terapiju imunostimulativima
  - 7) povrede- teške tjelesne povrede koje ozbiljno oštećuju zdravlje i uzrok su ozbiljnih oštećenja organa, osjetila i organskih sistema)
  - 8) opekotine
  - 9) bolesti krvi i krvotvornog sistema
  - 10) bolesti urogenitalnog trakta
- (2) Lista oboljenja na osnovu koje se ostvaruje pravo na jednokratnu novčanu pomoć za plaćanje troškova liječenja demobiliziranih branitelja i članova njihove obitelji smatra se dijelom ovog pravilnika (Lista u prilogu).
- (3) Za oboljenje **transplatacija koštane srži** jednokratna pomoć za plaćanje troškova liječenja se može odobriti najkasnije u roku od 5 (pet) godina od dana izvršenog operativnog zahvata prema medicinskoj dokumentaciji, osim ako se radi o neophodnom budućem operativnom zahvatu;
- (4) Za oboljenje **infarkt miokarda** podnosilac zahtjeva ima pravo na jednokratnu pomoć za plaćanje troškova liječenja najkasnije u roku od godinu dana nakon bolničkog liječenja, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja.
- (5) Za oboljenje **malignog tumora** podnosilac zahtjeva ima pravo na jednokratnu pomoć za plaćanje troškova liječenja najkasnije u roku od 5 (pet) godina nakon uspostavljene dijagnoze, izuzev u slučaju kada je prema medicinskoj dokumentaciji nastupilo trajno oštećenje zdravstvenog stanja.
- (6) Finansijska sredstva iz člana 2 ovog pravilnika odobravaju se za nabavku lijekova neophodnih za liječenje bolesti iz stava (1) ovog člana, kao i za druge troškove vezane za liječenje.

**Član 8.**

**(Visina jednokratne novčane pomoći za liječenje u Bosni i Hercegovini)**

Za pomoć u liječenju oboljenja iz stava (1) člana 7. ovog pravilnika u Bosni i Hercegovine, utvrđuje se jednokratna novčana pomoć u visini od 50% prosječne netto plaće isplaćene u Federaciji Bosne Hercegovine u prethodnoj godini, prema posljednjim podacima Federalnog zavoda za statistiku.

**Član 9.**

**(Visina jednokratne novčane pomoći za liječenje u inostranstvu)**

Za pomoć u liječenju teških oboljenja **u inostranstvu**, pod uslovom da su pored općih ispunjeni i posebni uslovi iz člana 6. ovog pravilnika utvrđuje se jednokratna novčana pomoć za plaćanje troškova liječenja u iznosu od 2.000,00 KM (dvijehiljade konvertibilnih maraka).

#### **Član 10.**

##### **(Odobranje većeg iznosa jednokratne pomoći za plaćanje troškova liječenja)**

Izuzetno, na prijedlog federalnog ministra, Vlada Federacije Bosne i Hercegovine može odobriti i veći iznos jednokratne pomoći za plaćanje troškova liječenja od iznosa utvrđenih članom 8. i 9. ovog pravilnika.

### **IV. POSTUPAK RAZMATRANJA ZAHTJEVA I ODLUČIVANJE**

#### **Član 11.**

##### **(Podnošenje zahtjeva i potrebna dokumentacija)**

- (1) Odobranje finansijskih sredstava iz člana 2. ovog pravilnika vrši se na osnovu pismenog zahtjeva na obrascu u prilogu ovog pravilnika.
- (2) Zahtjev sa potrebnom dokumentacijom se podnosi Sektoru za upravno rješavanje, praćenje rada ljekarskih komisija i pomoć u liječenju – Grupi za praćenje rada ljekarskih komisija i pomoć u liječenju (u daljem tekstu: Grupa) Federalnog ministarstva za pitanja boraca i invalida odbrambeno-oslobodilačkog rata/ Federalnog ministarstva za pitanja branitelja i invalida domovinskog rata (u daljem tekstu: Federalno ministarstvo).
- (3) Donošenje rješenja o utvrđivanju prava na jednokratnu novčanu pomoć za plaćanje troškova liječenja vršiti će se nakon objavljivanja prosječne isplaćene netto plaće u Federaciji Bosne i Hercegovine u prethodnoj godini od strane Federalnog zavoda za statistiku, za one zahtjeve podnesene ranije.

#### **Član 12.**

##### **(Imenovanje vanjskog saradnika)**

Federalni ministar može imenovati ljekara kao vanjskog saradnika koji za potrebe Ministarstva, daje stručno mišljenje u pogledu utvrđivanja vrste oboljenja prema priloženoj medicinskoj dokumentaciji, u svrhu donošenja odgovarajućeg rješenja, u ad hoc slučajevima ili generalno.

#### **Član 13.**

##### **(Postupak ostvarivanja prava)**

- (1) Zahtjeve za jednokratne novčane pomoći za liječenje razmatra i obrađuje Grupa, koja u slučajevima kada je zahtjev uredan i potpun, te podnosilac zahtjeva ispunjava uslove za dodjelu jednokratne pomoći u skladu sa Zakonom i ovim pravilnikom, ispunjava obrazac evaulacije zahtjeva i isti dostavlja nadležnom službeniku Odsjeka za upravno rješavanje koji provodi upravni postupak i donosi rješenje o odobravanju jednokratne pomoći za liječenje.
- (2) U postupku donošenja rješenja, ovlašteni službenik je dužan izvršiti uvid i provjeru u sistemu neoporezivih nadoknada, kako bi se isključila mogućnost da je podnosilac zahtjeva već ostvario pravo na pomoć za plaćanje troškova liječenja na drugim nivoima vlasti (općinski i kantonalni nivo) u tekućoj godini, te na osnovu priloženih dokaza utvrditi da nije ostvario naknadu za pomoć u liječenju u tekućoj godini po istom osnovu kod svog poslodavca.

(3) Rješenje o odobravanju jednokratne pomoći za plaćanje troškova liječenja se donosi u 3 (tri) primjerka, pri čemu se po jedan primjerak dostavlja stranci i Sektoru za finansije i ekonomske poslove Federalnog ministarstva, a jedan primjerak zadržava u arhivi Federalnog ministarstva.

(4) Zahtjevi koji su nepotpuni ili ne ispunjavaju uslove iz ovog pravilnika odbacuju se ili odbijaju posebnim upravnim aktom, u skladu sa odredbama Zakona o upravnom postupku.

(5) Upravni akti iz stava (1) i (4) ovog člana su konačni u upravnom postupku, te se protiv istih može jedino pokrenuti upravni spor kod nadležnog suda u roku od 30 (trideset) dana od dana dostavljanja upravnog akta stranci.

(6) Za slučajeve iz člana 10. ovog pravilnika, ovlašteni službenik može uz konsultaciju sa vanjskim saradnikom dostaviti prijedlog za odobravanje većeg iznosa sredstava za liječenje federalnom ministru uz obrazloženje i prateću dokumentaciju, a ovakav prijedlog prema Vladi Federacije BiH može uputiti i federalni ministar neposredno, na osnovu saznanja i podataka koja su mu predočena o postojanju zahtjeva takve prirode.

## **V. NAČIN ISPLATE FINANSIJSKIH SREDSTAVA**

### **Član 14.**

#### **(Način isplate finansijskih sredstava i izvještaj o utrošku sredstava)**

Realizacija odobrenih finansijskih sredstava iz ovog pravilnika vrši se putem Sektora za finansije i ekonomske poslove Federalnog ministarstva, a isplata se vrši putem Jedinственог računa Trezora Federacije Bosne i Hercegovine.

## **VI. PRIJELAZNE I ZAVRŠNE ODREDBE**

### **Član 15.**

#### **(Primjena odredbi drugog zakona)**

U postupku za ostvarivanje prava temeljem ovog pravilnika primjenjuju se odredbe Zakona o upravnom postupku ("Službene novine Federacije BiH", broj:2/98 i 48/09), ako ovim pravilnikom nije drugačije propisano.

### **Član 16.**

#### **(Stupanje na snagu i objavljivanje)**

Ovaj pravilnik stupa na snagu narednog dana od dana objave u „Službenim novinama Federacije BiH”.

**MINISTAR**

**Doc. dr. Salko Bukvarević**

Broj: 01-11-682/20  
Sarajevo, 03.03.2020. godine

## LISTA OBOLJENJA

na osnovu koje se ostvaruje pravo na jednokratnu novčanu pomoć za plaćanje troškova liječenja demobiliziranih boraca i članova njihove porodice

### I NEURO- MIŠIĆNA OBOLJENJA

- mišićna distrofija – Dystrophia musculorum
- neuropatije - Neuropathia
- miopatije - Myopathy
- multipla skelroza - Sclerosis multiplex
- miastenija gravis – Myasthenia gravis
- epilepsija ( nekontrolisana ili rezistentna na terapiju)- Epilepsy
- nezarazni encefalitis - Encephalitis non infectious
- nezarazni encefalomijelitis – Encephalomyelitis non infectious
- cerebralna paraliza – Paralysis cerebialis

### II BOLESTI KOŠTANO-MIŠIĆNOG I VEZIVNOG TKIVA

- protruzija intervertebralnog diskusa – Protrusio discus intervertebralis
- seropozitivni reumatoidni artritis – Rheumatoid arthritis seropositiva
- (nesposobnost bilo kakvih aktivnosti)
- ankilozirajući spondilitis – Ankylosing spondylitis
- direktna infekcija zglobova – Direct infectiones articularum
- (kod infektivnih ili parazitaranih oboljenja)
- upalne bolesti zglobova - Arthritis
- degenerativna bolest perifernih zglobova – Arthrosis , Osteoarthrosis
- deformacija kralježnice, zakrivljenost srednjeg dijela - Kyphosis
- deformacija kralježnice, zakrivljenost donjeg dijela - Lordosis
- bočna zakrivljenost kralježnice - Scoliosis
- degenerativne promijene kičme - Spondylosis
- upala kosti sa razaranjem, uzrokovana bakterijama, gljivicama ili mikobakterijama - Osteomyelitis

### III RESPIRATORNE BOLESTI

- hronična opstruktivna bolest (HOPB) – Morbus pulmonis obstructivus chronicus
- emfizem pluća - Emphysema pulmonum
- astma bronhijalna – Asthma bronchiale
- sarkoidoza - Sarcoidosis
- bronhiektazije- Bronchiectasia

- apsces pluća - Abcessus pulmo
- apsces medijastinuma- Abcessus mediastini
- piotoraks - Piothorax
- pneumotoraks - Pneumothorax
- sindrom respiratornog distresa (RDS) - eng. Respiratory distress syndroma  
- lat. Respiratorii angustia syndrome

#### IV SPECIFIČNA STANJA KOJA ZAHTJEVAJU SKUPI I DOŽIVOTNI TRETMAN

- transplantacije organa - Transplantatio
- transplantacije koštane srži- Transplantatio medullae ossium
- stanja nakon operativnih stanja na srcu, mozgu i plućima koja zahtijevaju duže bolničko liječenje, oporavak i intenzivni medikamentozni tretman.

#### V KARDIOCIRKULATORNA OBOLJENJA

- infarkt miokarda – Infarctus myocardi
- intracerebralna krvarenja - Haemorrhagia intracerebralis
- subarahnoidalna krvarenja – Haemorrhagia subarachnoidalis
- plućna embolija – Embolia pulmonum
- hipertenzivna oboljenja (sa popuštanjem srčanog mišića) – Hypertensio arterialis cum insufficientio cordis
- hipertenzija ( sa renalnom insuficijencijom) - Hypertensio arterialis cum insufficientio renalis
- aortalna rascjepljenja - Aneurisma aorte , Disectio aorte
- reumatska groznica (koja obuhvata srce) - Febris rheumaticus
- wegenerova granulomatoza (zapaljenje krvnih žila) – Wegener granulomatosis
- akutni perikarditis – Pericarditis acuta
- endarteritis obliterans (zapaljenje unutrašnjeg sloja arterije) - Endarteritis obliterans

#### VI PSIHIČKA OBOLJENJA

- akutna psihoza - Psyhosis acuta
- hronična psihoza - Psyhosis chronica
- posttraumatski stresni poremećaj (PTSP ) - Neuroses post-traumatic
- demencija kod Alzheimerove bolesti - Dementia (Morbus Alzheimer)
- demencija kod Parkinsonove bolesti- Dementia (Morbus Parkinson)
- nespecifična demencija – Dementia non specifica
- mentalna retradacija- Retardatio mentalis
- autizam - Autismus

#### VII OSTALA OBOLJENJA

- maligni tumori (prema MKB ) – Carcinoma malignum
- benigni tumori koji lokalizacijom ili prirodom mogu ugroziti život ili smanjiti funkciju organa ili sistema- Tumor benignum



- **sistemske bolesti :**
  - Lupus eritomatodes
  - Sclerodermia
  - Poliarteritis nodosa
- **hronična bubrežna insuficijencija( koja zahtijeva trajnu dijalizu) - Insufficiencia renalis chronica**
- **šećerna bolest sa jako izraženim komplikacijama (sljepoća, gangrena, bubrežna insuficijencija i dr.) - Diabetes mellitus complicates**
- **nealkoholna ciroza jetre sa trajnim oštećenjem - Cirrhosis hepatis non alcoholico**
- **trajna oštećenja jetre koja zahtijevaju dugotrajno liječenje- Hepatitis chronica persistens**
- **povrede- (teške tjelesne povrede koje ozbiljno oštećuju zdravlje i uzrok su ozbiljnih oštećenja organa, osjetila i organskih sistema)**
  - Fracture
  - Amputatio
  - ozljede srca i organa
  - Crush povrede vrata
- **Opekotine – Combustio**
  - srednje teško opečeni-površine opekotine do 40% ili duboke opekotine nefunkcionalnih dijelova tijela do 10% površine
  - teško opečeni-površina opekotine prelazi preko 40% površine tijela ili duboke preko 10%
  - duboke opekotine funkcionalnih dijelova tijela bez obzira na njihovu površinu
  - smrtonosne opekotine-one koje zahvataju površinu tijela veću od 50%.
- **nasljedni nedostatak faktora VIII i IX – Haemophilia A , B**
- **mijeloproliferativna oboljenja koštane srži - Myelofibrosis**
- **upala vidnog živca , optički neuritis – Neuritis n. opticus**
- **upale bubrega sa bubrežnom insuficijencijom – Nephritis renalis cum insufficientio renalis**
- **nefrotski sindrom – Syndroma nephroticum**

---

(Prezime, ime oca, ime podnosioca prijave) (Broj LK) (Adresa podnosioca prijave i kontakt telefon)

**Federalno ministarstvo za pitanja boraca i invalida odbrambeno-oslobodilačkog rata/ Federalno ministarstvu za pitanja branitelja i invalida domovinskog rata  
Hamdije Čemerlića br. 2**

**PREDMET: Zahtjev za priznavanje prava na jednokratnu pomoć za plaćanje troškova liječenja**

Ovim zahtjevom tražim od naslova priznavanje prava na pomoć za plaćanje troškova liječenja

---

(navesti na koga se odnosi zahtjev – za bolest demobiliziranog branitelja licno ili člana uže porodice - navesti srodstvo)

Vrsta oboljenja za koje se podnosi zahtjev: **(PODVUĆI)**

**A) Neuromišićna oboljenja:**

- a. progresivna neuromišićna oboljenja :
- b. multipla skelroza, miastenija gravis
- c. epilepsija (nekontrolisana ili rezistentna na terapiju)
- d. nezarazni encefalitis i encefalomijelitis

**B) Bolesti koštano-mišićnog sistema i vezivnog tkiva:**

- a. protruzija intervertebralnog diskusa sa komplikacijama
- b. seropozitivni reumatoidni aritis, nesposobnost bilo kakvih aktivnosti
- c. ankilozirajući spondilitis
- d. direktna infekcija zglobova, kod infektivnih ili parazitaranih oboljenja
- e. bolesti koje uzrokuju ozbiljne funkcionalne smetnje lokomotornog aparata, vežu bolesnika za postelju i trajno ga onemogućavaju u svakodnevnim aktivnostima

**C) Respiratorne bolesti:**

- a. bolesti pluća praćene trajnim oštećenjem respiratorne funkcije (sa vrijednostima vitalnih plućnih parametara : FVC, FEV-1, FEV 1/FVC ispod 40% )
- b. apsces pluća i medijastinuma
- c. piopneumotoraks
- d. sindrom respiratornog distresa (RDS)

**D) Specifična stanja koja zahtjevaju skupi i doživotni tretman:**

- a. transplantacije organa
- b. transplantacije koštane srži
- c. stanja nakon operativnih stanja na srcu, mozgu i plućima koja zahtjevaju duže bolničko liječenje, oporavak i intenzivni medikamentozni tretman

**E) Bolesti kardiocirkulatornog sistema:**

- a. infarkt miokarda
- b. intracerebralna i subarahnoidalna krvarenja
- c. plućna embolija
- d. hipertenzivna oboljenja sa popuštanjem srčanog mišića
- e. reumatska groznica koja obuhvata srce

**F) Psihička oboljenja:**

- a. bolesti zbog čije prirode i stanja oboljeli može ugroziti svoj i/ili život drugih lica , oštetiti materijalna dobra , a koja zahtjevaju stalni medikamentozni tretman i kontinuirano praćenje od strane nadležnog psihijatra
- b. primarna demencija kod Alzheimerove bolesti i Morbus Parkinson i sekundarne (nespesifične) demencije

- c. mentalna retardacija
- d. autizam

### **G) Ostala oboljenja**

- a.maligni tumori
- b.benigni tumori koji lokalizacijom ili prirodom mogu ugroziti život ili smanjiti funkciju organa ili sistem
- c.sistemske bolesti
- d.hronična bubrežna insuficijencija( koja zahtijeva trajnu dijalizu)
- e.šećerna bolest sa jako izraženim komplikacijama (sljepoća, gangrena, bubrežna insuficijencija)
- f.bolesti jetre sa trajnim oštećenjima i patološkim nalazima a zahtijevaju dugotrajno liječenje ili terapiju imunostimulativima
- g.povrede - teške tjelesne povrede koje ozbiljno oštećuju zdravlje i uzrok su ozbiljnih oštećenja organa, osjetila i organskih sistema)
- h.opekotine
- i.bolesti krvi i krvotvornog sistema
- j.bolesti urogenitalnog trakta

### **ZA LIJEČENJE U INOSTRANSTVU:**

- Puni naziv zdravstvene ustanove u inostranstvu, grad i država njenog sjedišta

-Specifikacija troškova liječenja (npr: troškovi liječenja u inostranstvu, naknada putnih troškova u vezi liječenja u inostranstvu i dr) i iznos troškova po stavkama:

- 
- 
- 
- 

**Uz zahtjev prilažem (u originalu ili ovjerenoj kopiji, izuzev za dokaz pod tačkom 8):**

1. CIPS prijavu (za podnosioca zahtjeva i dijete ukoliko se liječenje odnosi na dijete);
2. Kućnu listu u kojoj su navedeni svi članovi porodičnog domaćinstva (ukoliko se zahtjev podnosi za člana uže porodice),
3. Izvod iz matične knjige rođenih ili vjenčanih (ukoliko se zahtjev odnosi na člana uže porodice demobiliziranog branioca),
4. Uvjerenje o redovnom školovanju djeteta (ukoliko se zahtjev odnosi na dijete DB),
5. Uvjerenje za podnosioca zahtjeva da je bio pripadnik Oružanih snaga **najmanje godinu dana**, izdato na obrascu FMB 3A od nadležne Grupe/Samostalnog izvršioca za pitanja evidencija iz oblasti vojne obveze (ne starije od 6 mjeseci),
6. Za nezaposlene podnositelje zahtjeva uvjerenje nadležne službe za zapošljavanje da se nalazi na evidenciji nezaposlenih osoba, a ukoliko se ne vodi na evidenciji službe za zapošljavanje, uvjerenje ispostave porezne uprave kao dokaz o statusu nezaposlenosti ili ček od penzije
- 7.Za zaposlene podnosiocce zahtjeva potvrda poslodavca da nije ostvarena pomoć za liječenje po istom osnovu u tekućoj godini;
8. Dokaz o zdravstvenom stanju (medicinska dokumentacija) demobiliziranog branioca ili člana uže porodice izdat od strane ovlaštene zdravstvene ustanove ili stručnog tima - konzilijuma, ne stariji od godinu dana (nije obavezna ovjera)
9. Za liječenje u inostranstvu: prijedlog univerzitetsko-kliničke bolnice (kliničke zdravstvene ustanove) koja se bavi liječenjem oboljenja za koje se traži odlazak na liječenje u inostranstvo, sa mišljenjem liječničkog konzilija izdatog saglasno Pravilniku o postupku i načinu rada liječničkog konzilijuma ("Službene novine FBiH", broj 55/13)
- 10.Potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva

### **Svojeručni potpis podnosioca zahtjeva**

Shodno članu 5.Zakona o zaštiti ličnih podataka („Službeni glasnik BiH“ broj; 49/06, 76/11 i 89/11) kao nosilac gore navedenih i dostavljenih podataka saglasan/saglasna sam da Federalno ministarstvo za pitanja boraca i invalida odbrambeno-oslobodilačkog rata/ Federalno ministarstvu za pitanja branitelja i invalida domovinskog rata vrši obradu istih u svrhu realizacije gore navedenog zahtjeva, trajno.